



## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

Epistola V. Gelasii Papae II. Ad Exercitv Christianorvm Civitatem  
Caesaravgstanam Obsidentem. Omnibus ad eum aliquid conferentibus  
indulgentiam largitur.

**urn:nbn:de:hbz:466:1-15588**

tua, secundum ecclesiæ tuæ morem ex apostolicæ sedis concessione permisum, se nouerit induendum, cuius \* inimicum pallii volumus te per omnia \* genium vendicare. Huius siquidem indumenta, honor, humilitas, atque iustitia est. Tota ergo mente fraternitas vestra se exhibere festinet in prosperis humilem, & in aduersis, si quando eueniunt, cum iustitia erectam, amicam bonis, peruersis contrariam, nullius vñquam faciem pro veritate loquentem premens, tum operibus iuxta virtutem constantiæ insistens, tum infistere etiam supra virtutem cupiens, infirmis compatiens, bene valentibus congaudens, de alienis tamquam de propriis exultans gaudiis, in vitiis corrigendis pie sœuiens, in fouendis virtutibus auditorum animum demulcens, in ira iudicium sine ira tenens, in tranquillitate autem seueritatis iusta censuram non deserens. Hæc est, frater carissime, pallii accepti dignitas; quam si solicite seruaueris, quod foris accepisse ostenderis, intus habebis.

Ego Gelasius ecclesiæ catholicae episcopus. Signum manus meæ Gelasii, Deus in loco sancto suo.

Datum Romæ per manum Chrysogoni S. R. E. diaconi cardinalis, Kalendis Septembris, indicione duodecima, anno dominicæ incarnationis MCXIX. pontificatus autem domini Gelasii II. papæ anno I.

### EPISTOLA V.

### GELASII PAPÆ II.

AD EXERCITVM CHRISTIANORVM CIVITATEM  
CÆSARAVGVSTANAM OBSIDENTEM.

Omnibus ad eum aliquid conferentibus indulgentiam largitur.

*Gelasius episcopus seruus seruorum Dei exercitui Christianorum ciuitatem Cæsaraugustanam \* obsidenti, & omnibus catholicæ fidei cultoribus, salutem & apostolicam benedictionem.*

**L**ITERAS deuotionis vestræ inspeximus: competitioni quam pro Cæsaraugustano electo ad sedem apostolicam \* duxistis fauorem libenter accommodauimus. Eumdem ergo eleætum, nostris tanquam beati Petri manibus,

largiente Domino, consecratum remittentes ad vos, benedictionem vobis apostolicae visitationis impendimus, æquam omnipotentis Dei misericordiam implorantes, vt per sanctorum preces & merita opus suum ad honorem suum & ecclesiæ sua dilatationem vos faciat operari. Et quoniam & vos ipsos, & vestra extremis obiicere periculis decreuistis, si quis vestrum accepta de peccatis suis poenitentia in expeditione hac mortuus fuerit, nos eum sanctorum meritis, & totius ecclesiæ catholicæ precibus a suorum vinculis peccatorum absoluimus. Ceterum, qui pro eodem Domini seruitio vel laborant, vel laborauerint, & qui præfatæ vrbis ecclesiæ a Sarracenis & Moabitis dirutæ, vnde reficiatur, & clericis ibi Deo famulantibus, vnde pascantur, aliquid donant, vel donauerint, secundum laborum suorum & beneficiorum suorum ecclesiæ impensorum quantitatem ad episcoporum arbitrium, in quorum parochiis degunt, poenitentiarum suarum remissionem & indulgentiam consequantur. Data Alesti, quarto Idus Decembbris.

## N O T A.

<sup>a</sup> Epistola. ] His acceptis idem Petrus ordinatus episcopus Cæsar-augustanus, suis additis literis, eiusmodi indulgentiarum diploma per vniuersum Christianum orbem promulgandum studuit, ista scribens:

*Vniuersi mundi ecclesiæ fidelibus, archiepiscopis, episcopis, abbatis, presbyteris, omnibus catholicæ fidei cultoribus, Petrus licet indignus Cæsaraugustanus episcopus salutem & obedientiam.*

**D**IVINA fauente clementia, vestrisque precibus, & fortium virorum audacia Cæsaraugustanam urbem Christianis manibus subiugari, ac beatæ & gloriose Virginis Mariæ ecclesiam, quæ diu (proh dolor!) subiacuit Sarracenorum ditioni, liberari, satis audiuitis: quam beato & antiquo nomine sanctitatis ac dignitatis pollere nouistis. Adhuc tamen prioris captiuitatis merore confectam, omnibus pene egere sapiatis, tum quia non habent vnde dirutæ ecclesiæ præfatæ parietes & ornamenti restitui valeant, tum quia clerici ibidem diuino famulatu die nocteque vacantes, vnde viuant non obtinent. Vestram itaque deprecamur clementiam, quod si cor-